

LOV FOR SOGN OG FJORDANE IDRETTSKRINS

Skipa 19.05.1919.

Vedteken av idrettskrinstinget med seinare endringar av 09.04.16, godkjent av NIF 31.05.16.

I. INNLEIANDE REGLAR

§ 1 Formål

- (1) Idrettskrinsen skal arbeide for at alle menneske får høve til å utøve idrett ut frå sine ønskje og behov, og utan å bli utsett for usakleg eller uforholdsmessig ulik behandling. Idrettskrinsen skal vere ein positiv verdiskapar for individ og samfunn.
- (2) Arbeidet skal pregast av frivillig innsats, demokrati, lojalitet og likeverd. All idrettsleg aktivitet skal byggje på grunnverdiar som idrettsglede, fellesskap, helse og ærlegdom.

§ 2 Organisasjon

- (1) Idrettskrinsen er eit felles organ for idretten innan sitt geografiske område.
- (2) Idrettskrinsen er sett saman av alle idrettslag, idrettsråd og særkrinsar/regionar tilslutta Norges idrettsforbund og olympiske og paralympiske komité (NIF) innan idrettskrinsen sine grenser.
- (3) Idrettskrinsen skal følgje NIF sitt regelverk og vedtak. NIF sitt regelverk gjeld for idrettskrinsen uavhengig av kva som måtte stå i idrettskrinsen si eiga lov.

§ 3 Oppgåver

- (1) Idrettskrinsen skal arbeide med:
 - a) Lovpålagte oppgåver og saker av felles interesse for idretten.
 - b) Idrettspolitiske innsatsområder, spesielt overfor fylkeskommunen, regionale organ/etatar og kommunane, for å styrke idretten si rolle og betre idrettslaga sine rammevilkår.
 - c) Service- og støtteoppgåver overfor idrettsråd, særkrinsar/regionar og idrettslag for å styrke aktivitets-, kompetanse- og anleggsutviklinga.
 - d) Informasjon og opplysing om idretten sine verdiar og verdiskaping.
- (2) Idrettskrinsen skal arbeide for å utvikle gode rammevilkår for eit mangfaldig idrettstilbod uavhengig av særidretten si organisering.
- (3) Idrettskrinsen har ansvar for at det vert oppretta idrettsråd i kommunane.

II. TILLITSVALTE OG TILSETTE

§ 4 Kjønnfordeling

- (1) Ved val/oppnemning av styre, råd utval/komit  mv. og ved representasjon til  rsm te/ting, skal begge kj nn vere representert. Samansetninga skal vere h vesvis i h ve til kj nnfordelinga i medlemsmassen, likevel slik at det ved val/oppnemning av meir enn tre personar skal veljast/oppnemnst minst to personar fr  kvart kj nn. Regelen gjeld  g der det skal veljast meir enn eitt varamedlem. Tilsette sin representant tel ikkje med ved utrekning av kj nnfordelinga.
- (2) Ved val/oppnemning til styre, råd, utval/komit  mv. i strid med regelen, skal styret innan 1 m nad etter  rsm tet/tinget sende ut innkalling til ekstraordin rt  rsm te/ting der nytt val vert gjort. Eksisterande medlemar i det aktuelle styret, komiteen mv. blir sittande til nytt styre, komit  mv. er valt/oppnemnt.
- (3) Ved representasjon m  den delegasjon som faktisk m ter tilfredsstille regelen, om ikkje mister organisasjonsleddet det tal representantar som manglar for   oppfylle regelen.
- (4) Idrettsstyret kan p legge organisasjonsledd   oppfylle regelen, m.a. med innkalling til nytt  rsm te/ting eller foreta ny oppnemning.
- (5) Idrettsstyret¹ kan, n r det ligg f re s rlege tilfelle, gi dispensasjon fr  denne regelen. Det skal s  langt det er mogleg s kast om dispensasjon i forkant. S knad om dispensasjon m  vere sendt til det organ som avgjer dispensasjonss knaden innan 14 dagar etter  rsm tet/tinget. Det er berre mogleg   gje dispensasjon for ein valperiode/oppnemning av gongen.

§ 5 Generelle reglar om stemmerett, kven som kan veljast, forslagsrett mv.

- (1) For   ha stemmerett og kunne veljast, m  ein ha fylt 15  r, vore medlem av eit idrettslag i idrettskrinsen i minst ein m nad og ha oppfylt medlemskrava jf. NIF si lov § 10-4. Det same gjeld der ein person skal oppnemnst som representant til  rsm te/ting i overordna organisasjonsledd. Ingen kan m te eller stemme ved fullmakt, jf. § 16.
- (2) Ein person kan ikkje samtidig ha meir enn eitt av f lgjande verv i idrettskrinsen: medlem av styre, valkomit , kontrollkomit , lovutval, revisor.
- (3) Forslagsrett:
 - a) Styret i idrettskrinsen har forslagsrett til og p  idrettskrinstinget.
 - b) Eit organisasjonsledd med representasjonsrett har forslagsrett til idrettskrinstinget, og leddet sin(e) representant(ar) har forslagsrett p  idrettskrinstinget.
 - c) Komit /utval med m terett, jf. § 13 (2), har forslagsrett til idrettskrinstinget i saker som ligg innanfor komiteen/utvalet sitt arbeidsomr de, og komiteen/utvalet sin(e) representant(ar) har forslagsrett p  idrettskrinstinget innanfor komiteen/utvalet sitt arbeidsomr de.

¹ Delar av mynde er delegert til NIF sin generalsekret r i samsvar med NIF sitt delegasjonsreglement.

- (4) Talerett:²
- a) Revisor har talerett på idrettskrinsting i saker som ligg innanfor sitt arbeidsområde.
 - b) Representant frå NIF har talerett på idrettskrinsting

§ 6 Representasjonsrett og vilkår for val av arbeidstakar og oppdragstakar

- (1) Ein arbeidstakar i eit organisasjonsledd kan ikkje veljast til verv i styre, råd, utval/komite mv. i organisasjonsleddet eller overordna organisasjonsledd. Tillitsvalt som får relevant tilsetjing i organisasjonsleddet, pliktar å gå ut av tillitsvervet ved tiltreding av stillinga, og kan ikkje gå inn att før tilsetjingstilhøvet er avslutta.
- (2) Ein arbeidstakar i eit organisasjonsledd kan ikkje veljast eller oppnemnast som representant til årsmøte/ting eller leiarmøte i overordna organisasjonsledd. Det kan heller ikkje veljast eller oppnemnast representant som er arbeidstakar i det organisasjonsledd representasjonen skjer.
- (3) Regelen vert brukt tilsvarende på person som har oppdragsavtale som kan samanliknast med eit tilsetjingstilhøve.
- (4) Regelen er ikkje til hinder for at organisasjonsleddet gir dei tilsette rett til å peike ut tilsettrepresentant(ar) til organisasjonsleddet sitt styre.
- (5) Ein person som er valt eller oppnemnt i strid med regelen, vert ikkje sett på som valt eller oppnemnt.
- (6) Idrettsstyret³ kan, når det ligg føre særlege tilfelle, gi dispensasjon frå regelen. Det skal så langt det er mogleg søkast om dispensasjon i forkant. Det er berre mogleg å gje dispensasjon for ein valperiode/oppnemning av gongen.

§ 7 Representasjonsrett og vilkår for val for andre personar med tilknytning til idrettskrinsen

- (1) Ein person som har ein avtale med eit organisasjonsledd som gjev vedkomande ei økonomisk interesse i drifta av organisasjonsleddet, kan ikkje veljast til styre, råd, utval/komite innan organisasjonsleddet eller overordna ledd. Det same gjeld styremedlem, tilsett, eller aksjonær med vesentleg innverknad i ein juridisk person som har slik avtale som nemnt i første setning. Avgrensinga gjeld ikkje for styremedlem oppnemnt av organisasjonsleddet. Tillitsvalt som får ein slik avtale, styreverv, tilsetjing eller eigardel, pliktar å gå ut av tillitsvervet ved tiltreding av stillinga, og kan ikkje gå inn att før tilsetjingstilhøvet mv. er avslutta.
- (2) Person som etter første ledd ikkje kan veljast, kan heller ikkje veljast eller oppnemnast som representant til årsmøte/ting eller leiarmøte i overordna organisasjonsledd. Det kan heller ikkje veljast eller oppnemnast representant som har ein tilsvarende tilknytning til det organisasjonsledd representasjonen skjer.
- (3) Ein person som er valt eller oppnemnt i strid med regelen vert ikkje sett på som valt eller oppnemnt.

² Idrettskrinstinget kan òg vedta å gi talerett til andre personar.

³ Delar av mynde er delegert til NIF sin generalsekretær i samsvar med NIF sitt delegasjonsreglement.

- (4) Idrettsstyret⁴ kan, når det ligg føre særlege tilfelle, gi dispensasjon frå regelen. Det skal så langt det er mogleg søkast om dispensasjon i forkant. Det er berre mogleg å gje dispensasjon for ein valperiode/oppnemning av gongen.

§ 8 Inhabilitet

- (1) Ein tillitsvalt, oppnemnt representant eller tilsett i idrettskrinsen er inhabil til å legge til rette grunnlaget for ei avgjerd eller til å treffe avgjerda:
- a) når vedkomande sjølv er part i saka,
 - b) når vedkomande er i slekt eller svogerskap med ein part i opp- eller nedstigande linje eller i sidelinje så nær som søsken,
 - c) når vedkomande er eller har vore gift med eller er forlova eller sambuar med ein part,
 - d) når vedkomande leiar eller har leiande stilling i, eller er medlem av styret i eit organisasjonsledd eller anna juridisk person som er part i saka.
- (2) Sameleis er vedkomande inhabil når andre særskilde tilfelle ligg føre som er eigna til å svekke tilliten til om vedkomande er upartisk; mellom anna skal det leggjast vekt på om avgjerda i saken kan gje særleg fordel, tap eller ulempe for vedkomande sjølv eller nokon som vedkomande har nær personleg tilknytning til. Det skal òg leggjast vekt på om inhabilitetsmotsegn er reist av ein part.
- (3) Er ein overordna inhabil, kan avgjerd i saka heller ikkje treffast av direkte underordna i idrettskrinsen.
- (4) Inhabilitetsreglane skal ikkje brukast dersom det er innlysande at den tillitsvalte, oppnemnte representanten eller tilsette si tilknytning til saka eller partane ikkje vil kunne påverke vedkomande sitt standpunkt og idrettslege interesser ikkje tilseier at vedkomande bør vike sete.
- (5) Med part er det her meint person, medrekna juridisk person som ei avgjerd rettar seg mot eller som saka elles direkte gjeld.
- (6) I styre, komitear og utval tek organet sjølv avgjerd, utan at vedkomande medlem deltek. Dersom det i ein og same sak oppstår spørsmål om inhabilitet for fleire medlemmar, kan ingen av dei delta ved avgjerda av sin eigen eller eit anna medlem sin habilitet, med mindre organet elles ikkje ville vore vedtaksført i spørsmålet. I sistnemnte tilfelle skal alle møtande medlemmar delta. Medleimen skal i god tid seie i frå om tilhøve som gjer eller kan gjere vedkomande inhabil. Før spørsmålet vert avgjort, bør varamedlem eller anna person som kan tre inn i staden for, kallast inn til å møte og delta ved avgjerda dersom det kan gjerast utan vesentleg bruk av ekstra tid eller kostnad.
- (7) Ved andre høve avgjer vedkomande sjølv om vedkomande er inhabil. Dersom ein part krev det og det kan gjerast utan vesentleg bruk av ekstra tid, eller vedkomande elles finn grunn til det, skal vedkomande sjølv legge fram spørsmålet for sin nærmaste overordna til avgjerd.

⁴ Delar av mynde er delegert til NIF sin generalsekretær i samsvar med NIF sitt delegasjonsreglement.

§ 9 Krav til vedtak, fleirtalskrav og protokoll

- (1) Når ikkje anna er bestemt, er styre, komitear og utval i idrettskrinsen vedtaksføre når eit fleirtal av medlemane er til stades. Vedtak vert fatta med fleirtal av dei gjevne stemmene. Ved likt stemmetal er møteleiar si stemme avgjerande.
- (2) Vedtak kan fattast ved skriftleg handsaming⁵ eller ved fjernmøte⁶. Ved skriftleg handsaming skal kopiar av dokument i saka sendast samtidig til alle medlemar med forslag til vedtak. Gyldige vedtak krev at fleirtalet av medlemene gjev sin tilslutnad til det framlagte forslaget, og til at dette vert gjort etter skriftleg sakshandsaming. Ved fjernmøte skal alle møtedeltakarane kunne høyre og kommunisere med kvarandre.
- (3) Det skal førast protokoll frå styremøta.

§ 10 Refusjon av utgifter. Godtgjersle

- (1) Tillitsvalt kan ta i mot refusjon for nødvendige, faktiske utgifter som vedkomande får i samband med utføring av vervet.
- (2) Tillitsvalt kan ta i mot ein rimeleg godtgjersle for arbeidet sitt.
- (3) Godtgjersle til styret og organisasjonssjef/generalsekretær skal kome klart fram av vedteke budsjett og rekneskap.

III. ØKONOMI

§ 11 Rekneskap, revisjon, budsjett mv.

- (1) Idrettskrinsen er rekneskaps- og revisjonspliktig, og skal følgje rekneskapslova og revisorlova. Rekneskapsåret skal følgje kalenderåret.⁷
- (2) Idrettskrinsen skal engasjere statsautorisert/registrert revisor og velje ein kontrollkomité. Kontrollkomiteen sine oppgåver følgjer av § 21.
- (3) Bankkonti skal vere knytt til idrettskrinsen og skal disponerast av to personar i fellesskap. Underslagforsikring skal vere teikna for dei som disponerer.
- (4) På idrettskrinstinget skal det fastsetje eit budsjett som inneheld alle hovudpostar i resultatrekneskapet, og eit langtidsbudsjett på minst to år. Styret fastset årlege budsjett innanfor ramma av langtidsbudsjettet, og om føremålstenleg vert desse lagt fram på eventuelle leiarmøter eller tilsvarende i perioden mellom tinga. Budsjettet skal vere realistisk, og resultatet skal ikkje vise underskot med mindre det vert dekkja av positiv eigenkapital. Det vedteke budsjettet bør kome fram i eiga kolonne når årsrekneskapet vert lagt fram.
- (5) Årsrekneskap og årsmelding skal fastsetjast seinast seks månader etter rekneskapsåret er avslutta. Årsrekneskap og årsmelding skal underskrivast av samtlege styremedlemar. Dersom idrettskrinsen har organisasjonssjef/generalsekretær, skal òg vedkomande signere.

⁵ Til dømes per e-post.

⁶ Til dømes møte per telefon/videokonferanse.

⁷ Idrettsstyret kan, når det ligg føre særlege tilfelle, gje dispensasjon til å nytte avvikande rekneskapsår.

- (6) Idrettskrinsen kan ikkje gje lån eller stille garantiar for lån viss ikkje lånet eller garantien er sikra med trygg pant eller annan fullgod sikring. Sikring for lån og garantiar skal opplysast i note til årsoppgjeret. Idrettskrinsen kan delta i NIF sin konsernkontoordning etter søknad frå idrettskrinsen og vedtak frå Idrettsstyret.
- (7) Disposisjonar, medrekna låneopptak, av ekstraordinær karakter eller vesentleg omfang i høve til idrettskrinsen sin storleik og verksemd, skal vedtakast av idrettskrinstinget.

IV. TING, STYRE, UTVAL MV.

§ 12 Idrettskrinstinget

- (1) Idrettskrinsen sitt høgste styringsorgan er idrettskrinstinget som skal haldast året før og etter Idrettstinget, i mars – mai månad. Tingperioden er to år.
- (2) Idrettskrinsstyret kallar inn idrettskrinstinget med minst tre månaders varsel, direkte til dei organisasjonsledd som har representasjonsrett. Innkallinga kan vise til at saksdokumenta vert gjort tilgjengeleg på idrettskrinsen si internettside eller på anna forsvarleg måte. I så fall skal det gå fram at dokumenta vil bli gjort tilgjengelege seinast ein månad før tinget. Framlegg som skal handsamast på tinget må vere sendt til styret seinast to månader før tinget. Fullstendig sakliste og andre nødvendige saksdokument med framlegg må vere gjort tilgjengeleg seinast ein månad før tinget.
- (3) Ved innkalling i strid med regelsen, avgjer tinget høvesvis ved godkjenning av innkalling og godkjenning av saklista, om tinget er lovleg kalla inn og om det er saker som ikkje kan handsamast.
- (4) Idrettskrinstinget er vedtaksført med det tal godkjente representantar som møter.
- (5) På idrettskrinstinget kan det ikkje handsamast framlegg om endring i lov og reglar som ikkje er ført opp på den saklista som er gjort tilgjengeleg eller sendt ut. Andre saker kan handsamast når 2/3 av dei frammøtte med stemmerett vedtek det, ved godkjenning av saklista.

§ 13 Representasjon på idrettskrinstinget

- (1) På idrettskrinstinget møter med stemmerett:
 - a) Idrettskrinsstyret
 - b) Representantar etter følgjande skala:
 1. Særkrinsar:

45 representantar frå særkrinsane og bedriftsidretten med grunnlag i talet på idrettslag.
Særidrettar som er organisert i regionar eller særkrinsar må ha minst 5 idrettslag i Sogn og Fjordane for å ha representasjonsrett.
Representantane må kome frå idrettslag i Sogn og Fjordane.
Det kan møte opp til 5 representantar frå den enkelte særkrins.
 2. Idrettsråd:

45 representantar frå idrettsråda med grunnlag i talet på idrettslagsmedlemar i kommunen. Det kan møte opp til 5 representantar frå det enkelte idrettsråd.
 3. Idrettslag:

1 representant frå kvar idrettslag.

- (2) Vidare møter utan stemmerett.⁸
- a) Leiarane i dei faglege utval/komitear, eventuelt nestleiar eller styremedlem dersom leiar er hindra frå å møte.
 - b) Kontrollkomiteen sine medleamar.
 - c) Valkomiteen sine medleamar.
 - d) Revisor.
- (3) Organisasjonssjefen møter med tale- og forslagsrett.
- (4) Representasjon etter første ledd bokstav b) fordelast av idrettskrinsstyret. Idrettskrinstinget fastset kor mange som til saman skal kunne møte og vedtek reglar for korleis fordelinga skal skje. Fordelinga av representantar vert kunngjort frå idrettskrinsen ved innkalling til idrettskrinstinget. Representantar må vere valt på årsmøte eller oppnemnt av styret etter fullmakt og meldt idrettskrinsen seinast ei veke før tinget.
- (5) Idrettskrinsen sitt styre fastset kor stor del av representantane sine reiseutgifter som skal dekkast av idrettskrinsen. Reiseutgiftsfordeling kan nyttast.

§ 14 Leiing av idrettskrinstinget

Idrettskrinstinget leiast av valt dirigent. Dirigent eller valt referent treng ikkje vere valt/oppnemnt representant. Det kan veljast fleire dirigentar og referentar.

§ 15 Idrettskrinstinget sine oppgåver

Idrettskrinstinget skal:

1. Godkjenne dei frammøtte representantane.
2. Godkjenne innkalling, sakliste og forretningsorden.
3. Velje dirigent, referent og to representantar til å skrive under protokollen.
4. Handsame årsmelding og rekneskap for idrettskrinsen.
5. Handsame langtidsplan og langtidsbudsjett for idrettskrinsen.
6. Handsame framlegg og saker.⁹
7. Engasjere statsautorisert/registrert revisor til å revidere krinsen sitt rekneskap.
8. Handsame retningslinjer for fordeling av dei midlar som er til disposisjon for krinsen.
9. Gjere følgjande val:¹⁰
 - a) Leiar og nestleiar.
 - b) 3 styremedleamar og 2 varamedleamar, som skal veljast som 1. og 2. varamedlem.
 - c) Kontrollkomité på 2 medleamar og 2 varamedleamar.
 - d) Representantar til Idrettstinget.¹¹
 - e) Valkomité med leiar og 2 medleamar og 1 varamedlem for neste idrettskrinsting.

Leiar og nestleiar skal veljast enkeltvis. Dei andre medlemene til styret skal veljast samla. Deretter skal varamedlemene veljast samla. Val skjer etter regelen i § 16.

⁸ Idrettskrinsar som har lovutval, må legge til eit nytt pkt. e): «Lovutvalget sine medleamar».

⁹ Tinget bør gje krinsstyret fullmakt til å oppdatere lova i samsvar med framtidige endringar i NIF sitt regelverk og lovnorm for idrettskrinsar.

¹⁰ Dette er minimum av dei tillitsvalte som skal veljast på idrettskrinstinget. Idrettskrinstinget kan i tillegg velje andre tillitsvalte det er behov for.

¹¹ Eventuelt kan idrettskrinstinget gje styret fullmakt til å oppnemne representantar til Idrettstinget.

§ 16 Stemmegjeving på idrettskrinstinget

- (1) Med mindre noko anna er fastlagt i denne lov, skal eit vedtak, for å vere gyldig, vere gjort med vanleg fleirtal av dei avgjevne stemmene. Ingen representant har meir enn ei stemme. Ingen kan møte eller stemme ved fullmakt. Blanke stemmer skal reknast som ikkje avgjevne.
- (2) Val skal vere skriftleg dersom det ligg føre meir enn eitt framlegg eller det vert fremja krav om det. Dersom det skal vere skriftlege val, kan berre føreslegne kandidatar førast opp på stemmesetelen. Stemmesetlar som er blanke, eller som inneheld kandidatar som ikkje er føreslegne, eller ikkje har det tal det skal stemmast over, tel ikkje, og stemmene skal reknast som ikkje avgjevne.
- (3) Når eit val vert halde enkeltvis og ingen kandidat oppnår meir enn halvparten av dei avgjevne stemmene, skal det vere omval mellom dei to kandidatane som har fått flest stemmer. Står kandidatane likt etter omvalet, vert valet avgjort ved loddtrekking.
- (4) Når fleire skal veljast ved ei avrøysting, må alle ha meir enn halvparten av dei avgjevne stemmene for å vere valt. Dette gjeld ikkje ved val av vararepresentant. Om ikkje mange nok kandidatar får dette i første omgang, er det berre dei som har fått meir enn halvparten av stemmene som er valde. Det vert så omval mellom dei kandidatar som står att, og etter denne røystinga er dei valde som får flest stemmer. Står nokon likt etter omvalet, vert dette avgjort ved loddtrekking.

§ 17 Ekstraordinært idrettskrinsting

- (1) Ekstraordinært idrettskrinsting vert kalla inn av idrettskrinsstyret med minst ein månads varsel etter:
 - a) Vedtak av idrettskrinstinget.
 - b) Vedtak av idrettskrinsstyret.
 - c) Vedtak av Idrettstinget eller Idrettsstyret.
 - d) Skriftlig krav frå dei organisasjonsledd som på siste idrettskrinsting representerte 1/4 av representantane med stemmerett.
- (2) Ekstraordinært ting vert kalla inn direkte til dei som har representasjonsrett.
- (3) Saklista og andre nødvendige dokument skal følgje vedlagt innkallinga eller vere gjort tilgjengeleg på idrettskrinsen si internettside eller anna forsvarleg måte. I sistnemnte tilfelle skal det gå fram av innkallinga at saksdokumenta er gjort tilgjengeleg på anna måte, og dokumenta skal vere gjort tilgjengelege på innkallingstidspunktet.
- (4) Eit ekstraordinært idrettskrinsting er vedtaksført med det tal godkjende representantar som møter.
- (5) Eit ekstraordinært idrettskrinsting skal berre handsame dei saker som er gjort kjent i vedtaket eller i kravet om innkalling av det ekstraordinære idrettskrinstinget.
- (6) Ved innkalling i strid med regelen, avgjer det ekstraordinære tinget høvesvis under godkjenning av innkalling og godkjenning av saklista, om det ekstraordinære tinget er lovleg kalla inn og om det er saker som ikkje kan handsamast.

§ 18 Møte/fellesmøte

Idrettskrinsen held møte med organisasjonsledda etter behov, og tek sjølv avgjerd om arrangementsforma.

§ 19 Idrettskrinsen sitt styre

- (1) Idrettskrinsen leiast og forpliktast av styret som er krinsen sitt høgste styringsorgan mellom tinga.
- (2) Styret skal:
 - a) setje i verk idrettskrinstinget sitt og NIF sitt vedtak og reglar,
 - b) vedta budsjett og fordele dei midlar som er til disposisjon,
 - c) sjå til at idrettskrinsen sine midlar vert brukt og forvalta på ein forsiktig måte i samsvar med dei vedtak som er fatta på idrettskrinstinget eller av overordna organisasjonsledd. Styret skal vidare sjå til at idrettskrinsen har ein tilfredsstillande organisering av rekneskaps- og budsjettfunksjonen, og har ein forsvarleg økonomistyring,
 - d) arbeide med saker som er nemnt i § 3,
 - e) oppnemne utval/råd etter behov og utarbeide mandat/instruks for desse,
 - f) ta opp nye lag i NIF og godkjenne laget sitt namn, jf. NIF si lov § 10-1.
- (3) Styret skal halde møte når leiaren bestemmer det eller minst to av styremedlemene krev det.

§ 20 Organisasjonssjefen

- (1) Organisasjonssjefen er leiar for sekretariatet. Organisasjonssjefen er ansvarleg for alle administrative funksjonar innan idrettskrinsen og utfører dei pålegg og set i verk dei vedtak som er gjort av idrettskrinsstyret.
- (2) Organisasjonssjefen har tale- og forslagsrett på idrettskrinstinget, leiarmøtet, i idrettskrinsstyret og arbeidsutval, og i alle komitear og utval.

§ 21 Faste komitear

- (1) Kontrollkomité
 - a) Kontrollkomiteen skal føre tilsyn med idrettskrinsen sin økonomi. Kontrollkomiteen skal sjå til at idrettskrinsen sine midlar er brukt i samsvar til lover, vedtak, løyvingar og økonomiske rammer, og at dei økonomiske disposisjonane er i samsvar med idrettskrinsen si lov og vedtak fatta av idrettskrinstinget. Kontrollkomiteen skal vidare forsikre seg om at idrettskrinsen sin interne økonomiske kontroll er føremålstenleg og forsvarleg.
 - b) Kontrollkomiteen skal sjå til at idrettskrinsen si rekneskapsføring er påliteleg og at årsrekneskap og delårsrapportar gir eit korrekt uttrykk for idrettskrinsen si drift og finansielle stilling. Kontrollkomiteen skal ved gjennomgang av rekneskapa vurdere idrettskrinsen si finansielle stilling, forvaltning og drift.
 - c) Kontrollkomiteen skal ha tilgang til samtlege rekneskap og dei ulike styre- og utvalsprotokollar og skal gjere seg kjent med avgjevne rapportane frå den engasjerte

revisor. Kontrollkomiteen kan byggje på det arbeid som den engasjerte revisor har utført der den finn det føremålstenleg.

- d) Kontrollkomiteen skal føre protokoll over sine forhandlingar og gje meldingar til idrettskrinstinget om si gjennomgåing av årsrekneskapet/årsrekneskapa og andre tilhøve i idrettskrinsen, m.a. med budsjett og budsjettoppfølging, forvaltning generelt og styret sitt arbeid/melding.
- e) Kontrollkomiteen skal gje ein melding til det enkelte årsrekneskap. For øvrig skal kontrollkomiteen løpande ta opp forhold den finn nødvendig og rapportere gjennom nummererte rapportar til idrettskrinsen sitt styre og revisor.
- f) Kontrollkomiteen kan be engasjert revisor utføre spesielle revisjonshandlingar som den ønskjer utført, dersom kontrollkomiteen finn det nødvendig. Slike arbeidsoppgåver kan ikkje vere i strid med gjeldande revisorlovgjevnad. Særskilt instruks må i slike tilfelle utarbeidast av kontrollkomiteen. Styret må informerast om eventuelle økonomiske konsekvensar av ekstra arbeidsoppgåver for revisor.

(2) Valkomité

Valkomiteen vert valt på idrettskrinstinget på fritt grunnlag, etter innstilling frå styret, og skal leggje fram innstilling på kandidatar til alle andre tillitsverv som skal veljast på tinget. Medlem av valkomité som sjølv blir kandidat til verv, pliktar å tre ut av valkomiteen.

V. ANDRE REGLAR

§ 22 Alminnelege disiplinærtiltak og straffesaker

For alminnelege disiplinærtiltak og straffesaker gjeld NIF si lov § 11-1 og § 11-3 flg.

§ 23 Lovendring

- (1) Lovendring kan berre vedtakast av ordinært eller ekstraordinært idrettskrinsting etter å ha vore oppført på saklista, og krev 2/3 fleirtal av dei avgjevne stemmene.
- (2) Lovendringar som følgje av endringar i NIF si lov, trer i kraft straks. Lovendringar vedtekne av idrettskrinsen sjølv trer ikkje i kraft før dei er godkjent av Idrettsstyret eller den Idrettsstyret gjev fullmakt. Godkjenninga er avgrensa til dei reglar som NIF si lov omfattar.
- (3) I samband med godkjenninga kan Idrettsstyret eller den Idrettsstyret gjev fullmakt pålegge nødvendig endring for å unngå motstrid med NIF sitt regelverk.
- (4) Endringar i §§ 23 og 24 kan ikkje vedtakast av idrettskrinsen sjølv med mindre endringane følgjer av NIF sitt regelverk eller lovnorm.

§ 24 Oppløysing

Idrettskrinsen kan berre oppløysast av NIF. Ved oppløysing eller anna opphøyr av idrettskrinsen går idrettskrinsen sine overskytande midlar etter avvikling til eit formål godkjent av Idrettsstyret eller den Idrettsstyret gir fullmakt.